

Bilder und Texte Claude Duvaud



**NEUS**  
HINTER AM LATÄRNEN  
2024





## keis Monaco

Wenn glaubsch hesch d'Mega Citys in Asiä und Amerika gseh, den bisch no ned in Zug gsii. Prisgünstigi Wohnigä überall wo analuägsch. Öb am See oder im ne Park, eifach immer a beschte Lag. I dä Neustadt im nä usäpuzte Büro z'wärchle oder i de Altstadt äs Kaffi i dä Bibliothek mit er ä inhaltsriche Zytig gnüsse, am Landsgeindplatz bi Sunnä äs regionals Bier schlürfä und im neue Drährestrand Zytrurm dä schönschti Sunneuntergang gnüsä. Eifach wunderbar, toll und zuge-risch eifach. Halt keis Monaco. Baut wird nur det wos niemert stört und natürlü nur vegan und emissionsfrei. Wenn ned meh wotsch wüsse, musch zusätzli dä QR-Code benütze. Scanne wenn weisch was i mein. Somit alles Super in Zug? N... Ned ganz!



## s'flügend i Wunschparkbänkli

Jedem sini wünsch z'erfülle isch ned eifach, erscht rächt ned die vo dä Stadtrööt sinä Wähler. Ä lösig wäri äs flügend s Wunschparkbänkli. Mit dem chönsch, gstüürt mit äm STAPI Wunschlämpli, bewilligungsfrey a dini Wunschplätzli in Zug reisä. Reserviert nur für dich, suuber und ned verschisse, chasch eifach ä wunderschöne Tag gnüüsä.

Doch so wiit isch es nonid! Üsses s'flügend i Wunschparkbänkli isch no i de städtische Testphase. Im leschtä Summer isch es uf eim vo sinä Testflüg am ä nä sehr, sehr heisse Sommertag fascht zum ä nä Super-GAU cho.

„Was Raschlet do hinä uf äm Bänkli?“ frögt Prinzässin Barbara dä STAPI. „Nüd schlimms“, rüäft vo hinä dä Finanzursli mit sim neuä Stadt-Schleptop. „So nä invasivä Klima-Ökipussi us äm See hed üs momentan im Griff. Ich zahlem chli Geld us dä Portokasse und nimm äs paar Krüptos us äm Chäller, de isch er sicher ruhig und beschäftigt.“

So isch dä Summer mit Testläuf vergange. Serschti privati Füürwärk hed uf äm Bänkli chöne gnosse wärde, Au Alphorn und Joodlersäng heds vertreid, und dä Stadtrat cha juscht zum 150igschte verkünde „s'flügend i Wunschparkbänkli mit gälber Beplankig hed äs Ohr exklusiv für dich übrig und isch für de Isatz bereit.“ Dä Stadtrat isch momentan mit sich, und mit sich sälber aber vor allem mit sich beschäftigt und setzt darum voll uf d'arbät vom neuä Parkbänkli. Wotsch meditierä oder s'Füdüli massierä nur eifach mit diem gliebtä Handy kommunizierä, den reservier där dies persönliche flügend i Wunschparkbänkli uf eZug.ch.

S'flügend i Wunschparkbänkli isch mit allne Annähmlichkeite usgrüschtet, Strom-, w-lan-, USB-Aschlüss, Ghettoblaster mit Kassettedeck für dini alte Hitparadehits. Ä Briefchastä vo dä Poscht dörf natürlu au ned fähle, damit dini Liebesbrief und bsunders Leserbrief uf kurzem Wäg dä Liebstä und dä Zytig chasch schicke.

Schiint de d'Sunnä uf äm Bänkli widermol sfescht, will dä Heinz sin Sunnäwägä ned im Griff hed, gits gratis grüinä Sunneschutz diräkt vo National-Bärn. Früscht grüin icremt chasch gschützt de Tag mit Ghettoblaster und Internetempfang mit Sicht uf dä Änetsee gnüüsä.

Drum reservier no hüt dies Bänkli, damit dien Wunsch Flügel bechund.

Wenn jetzt meinsch, dass hed sich so in Zug doch gar ned zutreid, de dörfsch einisch ei Tag s'Telefon 058 728 ... vo dä Gmeindsverwaltig abnä! Es lüütät scho „Düdeli dü, düdeli dü“ Muäsch abnä! „Düdeli düüüüü!“ „Stadt Zug .....



*fliegende Wunschparabankle*

## **Tubel Trophy 2024, wer isch das Johr däbi?**

Dä Wältrum, unäntliche Wietä. Mir schriebät s'Jahr 2024. Das sind Abentür vom Ruumschiff Enterprise, das mit sinere 400 Maa (d'Frau und anderi stunnä) starke Bsatzig 3.1 Lichtminute unterwägs isch i frömde Galaxieä, um bim Planet Mars ä spezieli Ladig uszlifere. So wird de Heimatplanet, 75 Johr nach dä iführig vo dä Mänscherächt, vo Tuble einisch meh gsüberät und befrejt. Drum hed au das Johr am WEF in Davos ä Polit-Stammtisch-Rundi unter äm alte Schwabewirt sich igfundä, um ä Tubel us sinä Reie uf d'Reis i neu Abentür schickä.


Doch Tuble uf än andere Planet schickä isch ned schwirig, es sind au scho einigi vor Ort und eis isch sicher, schläueri Tublä sinds und wärdis au uf äm neue Planet ned.

Tubel Trophy für Fortgschriteni, organisiert vor Ort vom Wältrumguru Musk, hed au das Johr ä Translokator-Chistä be cho. Wer isch uf d'reis geschickt wordä? Mir wärdis leider no gnuäg früh erfahre!

Unerwarted isch aber dä Empfang gsi. s'Prizässli Greta hed alternativ Atribä, mit gutäm erneuerbare Sunnwind, bereits uf äm Rote Planet uf de neu Gascht gwartet. Den dä Hilferuf und Demonstrationä vo dä iheimische isch ned süberseh und sghöre gsi. So hed sie sich mit dem Sunngleiter und äm nä R2D2 uf de Wäg zum Mars gmacht. I mä nä Postulathologramm fordert sie d'Rettig vom einzige gälbe Einhorn und dä Stopp vo dä Trophy.

Wenn dich jetzt frögsch, was die zwei uf äm Bänkli uf dem Bild sölid, Es hed eifach no platz gha. Schwups isch ä Wunsch vo äm nä ander Bild i erfüllig gangä. So chas go, wenn d'Wünsch z'grossaritg wärdet, und für Tuble unter us heds sicher im 25gi no ä freie Platz.





## Alt Fry Arbachum

Mir befindet üs im Jahr 2023 n. Chr. Ganz Helvetie isch vo „EUropa“ umzingelt und Helvetie isch faktisch aber sicher normativ bsetzt. Ganz Helvetie? Nei! Es vo unbügsams bevölkeräts Dorf hört ned uf, dä Idringlinge widerstand sleischtä. Majestix, ehemals de Schnönsti us Kleinbaarum hed sini Dorfbewohner fest im Griff. Dä Destruktivus wird vom Lager Tugium losgeschickt, um a dä Barrierä ä Pfiel richtig Aarbachum schüüse, mit ä rä Nachricht wos in sich hät. Äs neus Schuälhuus vor Arbachums Torä söls gäh. Was ntürli us sicht vo dä Dorfbewohner ä igriff i suverinität vo Kleinbaarums Bildigsploitik isch. Den doof sie tut erscht weh, wenn mehrs au zwüsse bechund und verstaht und das widerum muss bekantli zerscht vermittelt wärde. Doch mit ä mä nä Schluck Zaubertrank us Arbachum isch es de Lagerleitig us Tugium glungä die gälten-de EUropa normative Bildigsvorgabe im gutä Hirtequartier uf äm Sportrasä umsetze. De Majestix bstellt drufabä bim Gaius Faulus ä neuu Barrierä um sies südliche Ifalstor besser vo EUropa iflüss zschütze. Apropos schütze! Im grosse Kontext isch d'Wält ja bekantli kei Schiibä. Und färn ab vo Alt Fry Arbachum wird a dä Wältornig ghörig grütlät. Putinis, än Art Treujanischi Matroschka versucht s'europäschi Boolwärk us Mozartchugglä und dütschem Reinheits-Bier züberwindä. Südlich birngt üsi Meloni au iri beschtä Römer Legionäre in stellig. Us Galliens Zentrum Lutetia schüüst Chämpis-Artilleri scharf gäge oschtä.

Helvetie luegt dem gscheh NEUtral zu und fühlt sich mit Röschtigrabä und Reduit sicher. Den bekantli hed de Suworow jo schon im 1799 i dä Schöllenä dä Pakt mit äm Tüüfel verlohreä.

Drum passit uf, wenn Grosskozti am Gschichtsbuch vo dä Schuälä umä dreiet. Es git ned immer äs zrugg i Zukunft! Aber das findsch Flux uf ä mä nä andere Bild!